



Kiko ta un delirium (delier) ?

Delirium ta un problema den e funcion cerebral, caminda e patient por actua di un manera bruha y straño. Hopi biaha e patient no por mantene su atención / concentracion, tin problema cu memoria, problema pa papia of pensa. Tambe por tin problema pa reconoce obhetonan of personanan. Hopi biaha patient no sa ki dia ta of na unda nan ta. Por pasa tambe cu e patient ta drumi den dia y ta lanta anochi. Nan por bira hopi activo of alcontrario hopi keto y pasivo.

E ta posibel cu nan por mira of tende cos cu en berdad y no tei (halucinashon). E situashon di un delirium por varia di stadium y por varia durante e dia (activo of menos activo).

Un delirium por dura dianan, hasta te simanan, depende di e causa. Despues di pasa dor di un delirium e funshonamento di e patiënt por bira normal bek of e por keda cu dysfunction di memoria, no ta posibel pa bisa algo di esaki di antemano.

Kiko por causa delirium?

Tin varios causa cu hende por hanja un delirium. Patient di edad halto, cu tin problema cu memoria caba of cu tin demencia, cu tin problema cu bista of cu tin problema cu oido of cu ta usa cierto remedi por tin chens mas grandi di hanja un delirium.

Si patient ta hanja cierto remedi nobo, ta bira malo (por ehempel inflamacion di urina of pulmon), cu ta wordo admiti den hospital, a hanja narcose of chirurgia of ta stop di un solo vez cu consumo di alcohol, por ocasiona un delirium.

Kiko e dokternan por haci pa trata un delirium?

E dokter tin cu check si tin un inflamashon den curpa cu mester wordo trata. Tambe tin cu check si tin remedi cu mester worde cambia. E tin cu check si por tin otro causa pa e delirium cu mester wordo trata.

Si e patient ta inrankil, no ta drumi bon anochi of tin hopi miedo e dokter por duna remedi pa combati esaki. Porehempel un remedi cu ta yama Haldol. E remedi aki no ta cura e delirium, pero si ta calma e patient.

Kiko bo mes por haci pa yuda un patient cu delirium?

- Ora bo ta bai cerca un patient semper bisa kende bo ta y kiko bo a bin haci cu e patient.
- Purba di corigi patient si e ta bisa algo robes pero no pleita cune.
- Si e patient ta halucina muestra e patient cu bo ta keda hunto cune y cu bo tei pa jude. Pero no bise cu bo tambe ta wak of tende si esaki no ta e caso.
- Recorda e patient semper na unda e ta (“bo ta den hospital awo”) y semper zorg pa e usa su bril di bista of su hearing aids si e patient tin esaki.
- Pone un kalender y un oloshi un caminda visibel.
- Stimula e patient pa keda lanta durante dia. Durante dia ta bisti panja normal y anochi ta bisti pyamas.
- Trece objeto conoci y familiar for di su cas.
- Importante ta pa famia keda cu patiënt mas tanto cu ta posibel.